

НОВИ РУСКИ НОВИНИ

ЗА РУСИНОХ У КРАЉОВИНИ СХС

Рок IV.

Нови Сад, пятък 16. септембар 1927.

Ч. 36 (143)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Нашо американе

Нашо Руски Новини вецей раз писали о наших любих краяхох, котри ше находза там далеко од нас там у далеким швецех за морјом у Америци. Радовали зме ше їх напредованю и страховали, же би ше им дацо недобре случело а ведно уповали и наздавали, же би ше нам цо скорей здрави поврацели гу нам, до свойого родимого краю. Як би и не! Ша вони крив од нашеј криви, шерцо од нашего шерца, душа од нашеј души. Пошли до далекого швета, не да там геверую и страца ше, але да припоможу свој родзини, свойому народу, да зос знойом лица свойого полегчаю горку судьбу својих милих, котрих зохабели и старим краю, па да ше нам заш враца и одпочиню под оцовским кровом дочекани розширенима руками.

Вельке морјо, през котре вони прешли, але ище векша любов медзи нима у новим швецех и нами, котри зме остали у старим краю. Так як ше радуеме ми, так радую ше и вони шицкоме, цо год красного и поцешного од нас чую, а особено радую ше нашому просвитному и культурному напредованю. Бо нашо Американе видзели на свойо очи и упознали, же лем тот народ вредзи дацо, котри просвищени. Их вельку любов гу нам, доказую нам красни дарунки, котри вони зложели до тераз на Руску народну просвиту одтаргуюци себе од остох, доказую календари и новини, цо их вони каждого року купя и розширя. Над шицким пак красни и цепли писма цо нам пишу. Споминаме лем наших чесних п. п. Йоана Бучка, гдовиц Мелану Иванчов и других, котри зме уж об-

явели у наших новинох. Тераз нам пише заш чесни наш прятель и краян Янко Чизмарзос Керестуру. Його писмо таке: „Я ту далеко у швецех од вас, але мойо шерцо при вас вше, бо кед вежнем до рукох нашу любу руску новинку, цо е така мала и мила як мале дзецко, хторе ше учи ходзиц и бешедовац так го кажди люби, так и я нашу милу руску новинку любим, бо вона мне шицко о вас пове, же цо робице и як ше маце. Вона малючка, але мне векша як тот рокифелеров дом на 20 штоки, цо ту на штред Клевеланду, бо тот дом не мой, а тога мила и люба мала новинка моя. Мойо люби браца и шестри, подперайце нашу малу руску новину, да вона ви рошне и будзе виходзиц двараз лебо и трираз тижньово. Так исто и наш люб би календар. Кед до ньго попатрим найдзем мена моих родзинох и знаних и те ди я з вами а ви зомну бешедуеме... Модлим Вас шицких барз крашне и сердечне, хтори сце не членами Рус. нар. просвит. Дружтва, старайце ше о тим, да ше запишеце до тей нашеј славней организациј, бо не просвищени и не организовани народ у нешкайшим вику нема жадного визнаня ани ше го не спомина медзи просвищенима и медзи культурнима народами. Нам просвита, култура и организација потребна бо зме ище малки и слаби. Кед вежнеце еден прут окреме, легко го зогнеше, але звязани сноп прутах ништо не може зогнуц. Так и вельку народну организацију ништо зогнуц не може“

Еточуц таки слова наших любих краяхох барз нам мило. То нам дава ве-

цей сили, да робиме и надалей за Бога и за свой

народ. Най вас Бог поже, американе нашо! Редакција.

У нашом отечеству

Политическе положеніе

Прешлей недзелі окончили ше виберанки у цалей жеми. Вельке интересоване за сами виберанки народ не указовал, але зато чекало ше любопитливо яки бузе резултат. По вистох, котри тераз уж певни достали радикали 112 посланикох, демократи зос муслиманами 78, радичевци 63, Прибичевичевци 23, Корошец 21, земљорадници 6, Немци 5, социјалисти 1.

Треба наглашиц, же медзи радикалами ест 19 пашичевцох. Не избрати су Славко Милетич, М. Трифкович, Радонич, Вел. Янкович, Янич а вони баш були водьове пашичевцох. Випатра же ше радикали тераз ви миря. Крем того избрати п. Иса Новакович як демократски посланик. У Далмацији пучка партија достала 1 мандат.

Як видно нешкайша влада будзе мац моцну векшину, а кед и Др Корошец приступи, те ди будзе возможно робиц.

Конгрес дохторох

Дохторе нашеј держави маю свой конгрес у Рогашкеј Слатини а оператере у Београду од 19 до 21 т. мешаца.

Препили жито

Барз плодна жем у Херцеговини ест цо волаю Габелско польо. Там родзи зарно ягод и у нас. Але яки хасен, кед народ барз люби пиц. Скорей у тим краю була маларија и людзе ше бранели од ней зос паленчу па ше так научели пиц и кед нет маларија. То-

горочни урожай жита бул барз добри, але людзе мушели уж шицко предац, да намиря длуства у карчмох. Жито препили а тераз буду гладовац, або ест кромпле место хлеба.

Умар под жему

У околини Преня (Босна) падали вецей дні дижджи, котри причинели, же ше еден брег одвалел и вецей роботникох нашли шмерц под жему.

Влапени вельки швиндлер

Полиција у Београду влапела якогош човека, котри гуторел, же вон принц од держави Афганистану и член Лиги народох у Женеве. Медзитим ше указало, же тот принц обични спредовник, котри добре познати полициом у швецех та го заварла до арешту.

Кед ше цигане жена

В ешені одбуваю ше цигански свадзби. Особено тераз то видзиц у Срме и Бачкеј. Звичайно ше трима таки шор. На предок на кочу шедза гудаци з вельку заставу, котри граю и махаю зос заставу як шалени. Вец на другим кочу млодыта, котри оквицени зос вшеліякими пантліками. Вец приходзи „родзина и госци“. Недавно ше при Новим Саду на свадзи побили медзи собу и полиција заварла цала свадзбу.

Хладна хвиля

У западних краяхох нашего отечества обачуе ше, же цеплота пада и настава хладнейша хвиля. У даед-

них местох указує термометар 3 гради целс. а зявели ше и мощни витри, особено у приморію.

Вельки огонь у Београду

В недзелю вечар на дзень виберанкох згорело зданіє „Манеж“ у Београду. У посліднім часу огньогасцом пошло за руку, да спасаєдну жену од шмерци.

Ляд побил виніци

Южна Далмація нещешліва була од суши а тераз пришло на ню ище едно

нещесце ляд. Виніци указали барз красни урожай, кед тих дньох спушел ше ляд и шицко унічтожел. Цо остало суши ше и народ уж обера. Бо гвари, же лепше гоч дацо влапиц як ніч.

Пут на бицикли до Београду

На 22 августа рушел ше з варошу Белфор у Францускей еден Француз на бицикли и пришол до Београду уж 7 септембра. Вон путовал 240 килом. надзень. Нешка ше врацел назад.

ли, найперше муша ше шицки пбумивац. Раз на тидзень муша ше окупац Годзину започина учитель зос граньом на гушльох и зос шпиваньом едней циганьскей шпиваночки. Наука не идзе легко, бо ше малім циганьчатом не барз сце учій. Барз ім шмердзі школа. А кед су у школи, тей вельо треба мудросци, да іх учитель трима у шору. Найбаржей любя загадки, котри вони легко одгадую.

Пряшов

Давно ме шерцо цагало, да видзим тоту нашу дїдовщину, одкаль пришли нашо прадїдове до Вачкей пред 170 роками.

Бог ми допомог, па сом мог нашивиц Пряшов, дзе наш Пресвящени владика пребивал през 4 и пол роки як апостолски администратор. Отвореним нас шерцом дочекал нови пресвящени владика Гойдич, котрого наш владика пошвецел у Риму того року на празник Благовищеня. Ту сом нашол нам добре познатого мисіонара о, Трчку и пошол сом зос нїм преко Бардїова до іх манастира у Стропкову. Преходзели

зме нз авту по тих местох под карпатами, котри зяляти зос крєву бесчислених войнох зос свитовой войны. Видзел сом и повдни войнски теметови, але то наисце цали край як еден теметов. Превезол сом ше през славу Маковицу и под вечар того самого дня сцїгнул сом до стропковского манастира. Отци мисіонари дочекали ме найрадостнейше. Вельо и превелю зме бесїедвали о іх мисіоих медзи нашим народом. Вони не можу на наш народ забуц, а бизовно, же и нашо людзе нігда не забуду ни наших добрих мисіонарох. — Кратке време пребул сом у Стропнову, бо уж други дзень на осму годзину мушел сом назад до Пряшова, да зос пресвященим владиком пойдемє далей до глївного места Подкарпатскей Руси — до Ужгороду. Вожели зме ше од полдругей по поладню до лол седмєй вечар. На драже нз було ніч важнїйшого. Едну зме ствар зобачели, котру сцєм описац читателом Руских Новинох, а то було: як жид поучує своєго сина. Але о тим у слїдуюцим числу.

(далей будзе).

З драги-до Велеграду

Пише: О. Д. Надь, каноник.

До Пряшова

Не думам описовац драгу з Праги до Пряшова, котра водзи през найбогатыши край Ческей и Словацкей. Вшадзи маю Чехи вельо фабрики, але найвещей іх маю у Шлезкей коло гравіци Галичини. Там барз вельо копу угле и железни руди. З Праги зме ше рушели вовуторак рано. До Пряшова зме пришли вечар на 10 годзин. Пред Пряшовом находзи ше вельке место Кошице зос стародавну катедру. Нешка тото место забера шицки обласци и школи од Пряшова и Пряшов на концу постане векши валал. Пред войну мал Пряшов три гимназии, три препарандїи, два богословїи, факултет за право, вельо вшелїяки меньши школи. Нешка ше то мало по мало одбера и преноши до Кошицох. — Напомнем лем едну школу,

яку влада пред двома роками отворела у Кошицох, а то

циганска школа

з тих крайох вст вельо циганох. Цигане як вшадзи, так и ту, жию на легки способ: мало крадню, мало спрєведajo и циганя и селя ше з места на место. То ше не пачи Чехом и вони би іх сцели до школи привесц. Але як іх до школи привесц. Пробовала держава посилац іх до державних школах. То ше не подарело. Вони не ходзели шорово, а крем того други дзеци не сцели з нїма ведно шедвиц. Не було иньшей ради, як отвориц окремну школу за цигански дзеци. Учитель найперше научел циганьски язык, Зна добро грац на гушльох. Кед дзеци приду до шко-

ШИРОМ ШВЕТА

Тогорочни урожай на Подкарпатох

Тогорочни урожай на Подкарпатох не найлепши. По вистох там зродзело 270.000 метери жита, ярцу 50.000 м. овсу 20.000 м. проса 150.000. Урожай кукурици и кромплєох тиж слаби.

Врацаю ше назад

У Польскей являю ше у вельких числох преходи на

нашу гр. кат, виру. До тераз прешло вецей як 100 валали, зос своїма священїками. По-найвекшей часци то Руси, Українци, котрих дїдове мушели на силу прїяц православіє, кед ище пановали над нїма московски царове, а тераз ше врацаю до своєй правей оцовскей вири и церкви.

Добри пастир

Нашо новини писали уж о тим, яке вельке нещесце зна-

ФЕЛЬТОН

Вовк и земледїлец

Написал Н. Толстой

Раз оганяли ловаре вовка. Вовк наишол на земледїлца. Земледїлец праве ишол з поля и ношел мех и тото, цо ше з нїм отлука жито. Вовк му гвари: „Земледїлцу, скри ме, бо ме ловаре гоня.“ Земледїлцови, було жаль вовка, вохпал го до меха и руцел преїг плєца. Дотля сцїгли и ловаре, та ше му питаю чи не видзел вовка. — Не видзел.

Пошли ловаре, а вовк скочи з меха на земледїлца, же го пожре. Земледїлец му гвари: „Маш ти, вовку, душу? Я це спашел, а ти ме сцеш пожрец.“ А вовк му гвари: „Старе добротинство ше не спомина.“ — „Не правда, старе ше добротинство спомина. Питаш ше кому сцеш, кажди ци пове, же ше спомина.“ Вовк му гвари: „Гай-

де поме ведно до драги, та ше опитаме першому, ским ше стретнеме, же чи ше старе добротинство забува, чи ше го спомина? Кед пове, же ше спомина я це пуцим; а кед поведза, же ше забува — пожрем це“.

Пошли вони по драже и стретли ше зос едну стару шлепу кобулу. Земледїлец ше пита: „Поведз ле нам, кобуло, чи ше старе добротинство спомина, че ше забува?“ Кобула му одвит да:

„Патри, як то: дванац роки сом жила у газди, дванацєцєро гачата сом му ождребела а вше сом му орала и вожела, а кед сом ошлепла влонї, вше сом робела у сувачу; и гинто сом ше уж не могла округцац. та сом спадла на колесо. Аж тераз ме почали биц а биц, цагали ме за хвост долу и руцели ме. Я ше порвала и силом сом ше вицагла и не знам ані сама, дзе идзем“.

Вовк гвари: „Видзице, ку-

ме, же ше старе добротинство не спомина“. Земледїлец му одврати: „Причекай; еше ше опитаме“.

Пошли далей. Стретли ше зос суку, цага ше и рачкує. Земледїлец гвари: „Нолєле поведз, суко, забува ше старе добротинство, чи ше го спомина?“

„Ни, як ше роби: петнац роки сом жила у своєго газди, чувала му дом, брєхала и одганяла, а одкеди сом остарєла и зуби ми повипадовали — вируцєли ме зос хижки без милосердия и набили ме. Та патьце, як ше цагам, сама не знам дзе, гет од старого газди“.

„Чуєш, цо гвари?“ А земледїлец му гвари: „Причекай ище и треци раз“. И стретли ше зос ровку, та гвари земледїлец:

„Поведз ле, ровко, спомина ше старе добротинство, чи ше го забува?“ Ровка му одгвари: „Чом ти сцеш знац?“ Земледїлец ей гвари: „Но слухай! Вовк,

кед сцєкал од ловарох, та ше ми модлєл; я го скрил до меха, а тераз ме вон сце пожрец“.

Ровка гвари: „Як то могло буц, же ше таки вельки вовк змєсцел до такого меха? Кед бим то видзєла, я би вам судзєла.“

„Гей, шицок ше до ньго змєсцел, кед сцєш, та ше му питай сама!“

И вовк гвари: „Иста правда! На то гвари ровка: „Не верим ци, док не увидим сама. Нолє укаж, як ши вошол?“

Нато вохпал вовк главу до меха, та гвари: „Ни, як!“

Ровка гвари: „Войдз шицок, бо я так не видзим“.

И вошол вовк, а ровка скричи на земледїлца: „Тє раз го завяж!“ Кед завя зал мех, гвари му ровка: „Нолє ми тераз укаж, я ше у вас жито тлачи“.

Земледїлец ше обрадова и почал тлучиц вовка до го не забил.

Шлєбодно прєложел
М. Федоренко.

шло наших брато́х Українцо́х у Галиції од поплави. И першу помо́ц бидним людзо́м дал наш преосвящ. Митрополит Андрей Шептицкий. Вон сам пошол до тих валало́х, котри пострадали а зос нім велі автотобилі и кочі зос вшелі́яким поживлені́ем, шматами и лікарствами. Крім того послани єден полни вагон шицко́го цо треба як перша помо́ц пострадалим. Митрополит даровал крім того 10 000 долари на пострадалих.

Шашка затримала гайзибан

У месце Кимишли Баш заявала ше шашка у так вельким множеству, же спаднула на железну драгу и зауставела шицо́х саобрачай. Гайзибани не могли през 2 годзини исц.

Робота Лорда Ротермира

Богати английски лорд Ротермир започал по новинох вельку агитацию, же би ше пременел Трійвонски уговор. По тим уговору 1919 року подзелена Австро-Мадярска и настали нови держави, Чехословакия, Югославия и Румунія. Ротермир би сцел, да ше Мадярскій поверацаю тоті краї, цо од ней одорвати. Тоту роботу лорда Ротермира Мадяре барз подпераю. Розуми ше, же то задаремна работа, бо у тим ше ніч без новей войны пременіц не може.

Жена сце прелециц Океан

Княгиня Вергхайм, котра ма тераз 63 роки пріяла себе, же плелєци з Европи до Америки. Княгиня по родзеню Английка а оддала ше за графа Вергхайма-Левенштайна. Зос шюльца двоме добри немецки крилатичаге капитан Хамилтон и майор Минх.

Жертви поплави

Рика Дністер виляла ше у Галиції та наробела вельки чкоди. Место Кишинів цалком

знищела вода. Лем у Бесарабії рахую новини, же єст 50.000 особох котри немаю на жиму дзе главу склоніц, бо им вода шицко однесла.

Обрана Лондону

Английци отримали недавно войеново маневри и у тей нагоди ше прешведчели, же чежко би було браніц вароші Лондон од неприятельских крилатицо́х. И прето пришли на думу, же треоа збудовац вельки кораблі котри би ше тримали т воздуху а на німа би були крилатици. По потреби тоті крилатици би ше спущовали и обколєшовали Лондон.

Пол кили чежки ляд

У околинѣ Верхидніпровску на українскій Русії спаднул незапаметани ляд. Фалати були чежки по пол кили. Ляд забивал цялята, овци и друге бидло цо було на паши.

Дух умартого бешедуе на телефон

У варошу Бидгощ (Польска) случело ше то: Званичник Ж. Польшаньски послал свою жену з дзеци на отпочивок до єдного валалу. Кед єдней ноци оглашел ше дзвончок на його телефону и вон чул глас своєї жени: „Дораз прийдз, вежні дзеци, да не плачу над моім целом“. Фольтански ше зачудовал, бо знал, же у тим валале дзе його жена, а ні нет телефону. Запитал ше дораз на почти у Бидгощу, же хто го волат на телефон. Одповедли му же ніхто. Було то на 1 годзину по полноци. Фольтански ше змирел и чекал рано. Кед до дня а ту пришол автомобил по нього и явля ше му, же його жена на єдней годзини нагло умарла. Скорей даскельо раз виповедла, голем да можем телефонирац своїмму човекови. О пол годзини найсце телефон пребудзел человека. Насце чудне явленіє, бо утвердзене, же телефонова штація була далеко цалу годзину, а ніхто не могол телефонирац, бо неанал ані число мужового телефону.

отпочивок до фамиліскей крипти 10./IX. в субботу по св. Служби Божей хтору сам Преосвящени зос числену асистенцию и при присуствію як интелігенції так и народа отслужел.

На 9 годзин рано по оконченой панихиди у доме випровадзели зме покойну зос вельку асистенцию до полней Церкви Ту преосвящени окончили Церквени функції. От милей нам мацери ше отпитал преч. парох Мудри. У своєї казані преч. парох крашне нам указал — як нам мила мац по истей драги ишла — як и други побожни и святи маце-

ри, а хтору драгу сама св. Пречиста Діва Марія перша почала исц и найсовершенше ю випольнєла. На цинторскей капури отпитал ше од милей покойніци у мену шицких нас О. Биндас парох коцурски. Пред гробом отпитал ше од ней преч. о. вицеархидякон А. Абодич парох вербаски и гварел, же тоті болі — хтори тераз шерцо нашого любленого Владики церпи, же тоті болі шицким нам розумліви, бо вони не лем його но и шерца цалого нашого народу и цалого нам владичества кирвавя и пару — цо безчислени слизи — хтори ше на гроб и коло нього у тим часе виляли найвирнейше зашведчели. Зос жалосним шерцом — з молитву на устох а слизами на очох мушели зме патриц, як ше обисциною слова смутней надгробней писні: „земле зинувши приими от тебе созданоє рукою Божиєю тіло.“

Удзель Господи милей нам мацери вични покой и сотвори Ёй вичную памят!

Зармуценому нашому Преосв. Владикови як и цалому роду — виражуєме щиро саучествіє. Нашо новини принєшу докладнейши животопис тей добрей и мукотерпимей души и приклад — мацери.

Дюрдьов

РЕЗУЛТАТ ВИБЕРАНКИ:

Гласанє за державни виберанки окончили ше зос слідующим резултатом: листа министра Станковича владини радикали 281 гласох; Прибичевич 173; Давидович 208; землборадники 15; Немци 1; Мадяре 6; Милетичеви радикали 134; Добровольци 12; Радич 3; Независни радници (комуністи) 6; Соціялисти 2; Черемов (радикали - дисиденти) 3.

ОБЕРАЧКА ХМЕЛЯ

Минувшого тижня завершела ше обєрачка хмеля. Хвиля досц завадзала бо по вещей раз през дзень падал диждж. То було перши раз у нас, же ше „на велько“ хмель обєрал и того року випатрали зме дакус подобно як у словачким Петровцу бо брак работнікох бул досц вельки, та ши кажди час чул по валале бубновац, же ше гледаю работніци по вше векшей цени. Понуковало ше и 2½ дин. по кили. Нашо людзе зле робели, же и того року у вельким чи-

слу пошли до словацких валало́х бєрац гоч м глаи и ту себе довольно работи найсц и заслужиц так исто як там а можебуц и вещей. У нашим валале того року засадзено преко 120 холти хмеля а ту треба при обєраню досц работнікох.

На жалосц того року хмель ше у главному не удал. Велька суша барз му спєрала напредованє а вєд пришол так звани червени павук, хтори почал немилосердно уничтожовац, так же ше вельома видзело, же ані ніч не буду мац на обєранє. Але Богу слава и паки у остатні час спаднул мочни диждж, котри того павука збил з хмелю та ластари заш оживели и почали квітнуц и так ше и пак дацо назберало и самим людзом чудно було одкаль ту нараз хмелю кед випатрало, же го ані не будзе. Була то за шицких хмелярошох неочекивана школа. Квиток (струче) му є досц мали а єст досц и червеного так, же му ані квалитет ані квантитет не одговара. Згідно и то, же стари хмеляри подлєйше прєшли як нови а и од тих нових лепши плоди дали тоті цо у початку були заостати. Рахує ше, же го ше у валале обрало коло 600 метери желєного.

Але найвєкша брига лежи у тим, же му тераз цєна нїяка ані ше не може предвидзиц яка тарговина будзе а то вельома нашкоду, так же ше многима то того року нїяк не уплати дапаче даєден на нїм и страци. Але ипак нашо млади хмеляроше не треба да єще траца дзеку и надію гу хмелю.

И обєранє кукурици започало але подло. Єст и таких холтох дзе по єден коч лем а єст и таких, дзе ше рубе а не лає.

Миклушевци

ПРЕМЕСЦЕНИ УЧИТЕЛЬ П. КОСТЕЛЬНИК

Наш познати руски учитель у Миклушевцох п. Яким Костельник премєсцени до Мартиньцох при Митровици. Його премєсценє ше стало по робити давдних злобних особох, котрим не стало до народного добра, але до власней слави. Руски народ у Миклушевцох траци у нїм свойого вредного организатора и просвитителя, дзеци доброго учителя а шицки вирного приятеля. П. Яки-

Зос наших валало́х

Руски-Керестур

† АНА НЯРАДИ

На штварток на 11 годзин пред поладньом — обьявели нам нашо красни дзвони єдну жалосну вист — цалому нам валалу — шицкому рускому народу и цалому нам владичеству. Душа премилей мацери милого нам Преосвящєного Владики — охабела нас, охабела тоту долину слизо́х и прєселєла ше до вичносци, гу Богу, котрого тельо любєла, за кого тельо робєла и церпєла.

Покойну милу нам мацєр випровадзели змена вични

ма Костельника праца и медзи руским народом буду спомен, котрого зогабел поколєня споминац.

Вшеліячина

ЗА НАШО ДЗИВКИ, КОТРИ ЛЮБЯ ФАРБИЦ СВОЙО ГАМБИ

Француски новини „Час“ пишу, як смертельно похорела ше жена миліярдера Дрекера. Причина ей хороти така. Вона сцела як и други днешні млади и стари жени, да будзе барз красна. То думала так посцигнуц, кед будзе вше фарбиц свойо гамби. Од тей фарби на гамбох достала запалене гарла и мушела прецерниц чешку операцію лем да ше захрані живот.

Дзе розум у тей жени як и у других, котри подобно робя!! Як видзимо, милиони и милиони дзивчатох и женох не чуваю свойо здравле, а не знаю шалєни, же вони зос тим лем наполнюю глібоки кишеники жидовски, и забиваю себе и свойо фамилии.

„Красота жени“, як гутори Святе Писмо; „у ей шерцу“, а не на скорю.

КЕЛЬО ЄСТЬ НА ШВЕЦЕ КАТОЛІКОХ?

Англички новини пишу, же шицких католикох на тим швецце було на концу 1926. року 334,664.791. Кажди пяти человек є католик.

У Европи зросло число католикох, у прешлим року за 9 и пол милиони душох.

У самеї Англії прешло прешлого року на католицку виру 120 тисяч протестантох.

ЦО ШЕ ШИЦКО НЕ КРАДНЕ У АМЕРИКИ

Крадню там людзе тото, цо и у нас крадню. Тих дньох у Кливланду крем обичних стварох украдли и три літаки. Дзе з літаками одлєцели літаки, то до тєраз ище ніхто не зна.

(Пр.)

ЛІЧЕНЄ ОКА

Велку бригу задавало до тєраз ліченє очох при роботнікох, котри працую у желєзних фабрикох, бо прах од желєза барз опасни за очи. Єден доктор видумал лічиц таки очи з вельким магнетом. Магнет положи на око и вон сам вицагне желєзни прах гу себе и на тот способвилічи око.

СОВИ ПОМОЧНІКИ У ГОСПОДАРСТВУ

На целіх мєстох людзе тримаю Сову як злого пророка и стараю ше вигнац сови. — А чи добре робя! Не робя добре. Послухайце прецо!

Сова барз вельки хасен приноши у господарству. Вони виніщюу вельке число мишох, вшеліяких шкодливих куцох по заградох и по польох тєди, кед людзе шпя и кед не можу видзиц, кельо вони доброго твоя.

Прето не треба сови виніщювац, але їх помагац у их велькей и хасновитей работи.

ЧИТАЙЦЕ

„РУСКИ НОВИНИ“

данє, да людзе тото горяще за наш шерцо почитую и любя. З того обявленя настала побожносц гу Шерцу Христовому и роширела ше по цалим швецце. Осим любови и молитви каждодневней гу тому шерцу, захтева ше и приманє св. причасци каждого першого пїятку у мешацу, як задоволенє правди Божєй за увреди, цо их безбожни швет процив Бога зробел. Исус обецал Марії Алакок, же шицким тим, цо ше буду през дзевец мешаца каждого першого пїятка причащали и кланяли ше Прєсв Еухаристії, подарує у живоце особєну помоц и будзе им защититель на часу шмерци.

Слава буди Господу, тота св. побожност роширює ше и у наших руских валалох, цо нам служи за потївгу и радосц.

II. Да видзимо, яки су плоди побожносци гу Шерцу Христовому? Кажди прави приятель и ученик сцє постац подобни гу свойому приятелю и учителю. Наш найлєпши приятель и учитель є за певно Исус Христос, па прето треба, да му будзєме у шицким подобни и да го наслїдуєме у шицкей науки и ділу, як праве обявленє совершенства Божяго. Исус нам воскликунє. „Будите совершенни“, цо значи патрице на мнє, цо я творим и поєе за мну! А хтора найкратша драга, да ше Исусу цо баржеї приближимє и да постанємо йому подобни? То є тота, да ше пошвецимє божанскому Шерцу Христовому, и да му приношимє непрєстано шицки поклонства любови, хвали, слави, почитяня лєм кельо год можєме. Тота любов наша гу Його Шерцу; тото служба наша цо ю сполнюєме гу Його Прєсєтому Шерцу, роби нас подобнима гу Ньому, вяже нас уако зос нїм. Буц з Христом Богом вязани у любови, значи буц совершенни человек, котри є мили Богу.

Св. апостол Павло так узко бул вязани зос Христом Паном у любови, же шмел повєсц: „Не жиєм я, але жиє у мнє Христос“. Так то и знами! Цо кого баржеї любимє, то тим вєцєй за нь го и прє нь го жиємє!! Чи добри оєц и мац не жертвую за свойо дєци шицко, цо маю, па кед треба и сам живот?! То роби любов. Тоту любов добиєме и ми гу нашому найшєпшому оцови Богу, кед ше научимє

почитовац, любиц божєстєне Шерцо, премилого Нашого Спасителя.

М. Мудри.

БЕРЗА

Берлин 1 злата марка	13.46 д.
Будим. 1 пенги (pengő)	9.90 „
Италия 100 лира	316.— „
Букарест 100 лей.	34.— „
Лондон 1 фунд. штер.	276.— „
Нью-Йорк 1 доллар	56.80 „
Париз 100 франки	223.70 „
Праг 100 Чес. кр.	168.— „
Акції З. К. Б. Д. Д.	325 „
Швайцарска 1 франк	10.95 „
Виден 1 шилинг	8.— „
Наполендор 1 ком.	218.— „
20 златних корун	190.— „
10 „ „	95.— „
Сеферин	400.— „
Дукат	100.— „
1 круна у сребру	3.— „
5 „ „	15.— „
1 форинт „	6.— „
7% держав. пожичка за 100 динара ном.	86.— дин. 2 1/2 %
ратна штета за 1000. дин. ном	342.— дин.

За злато и за вредносни папирє плацаю банки потполни курс, а за валути о даскельо поєна менєй.

Тарговина

Жито	297.— Д
Кукурица	205.— „
Хмель	9—10.000 „
Мука нулерова	435.— „
„ хлєбова	400.— „
Млєко литра	3—4.— „
Качки	35—60.— „
Гуски клюкани кг.	65—90.— „
Говєдзина	16—20.— „
Швиньске мєсо	20—22.— „
Цєлєчина	28—30.— „
Сланїна сушена	22—25.— „

Оглашуйце до „Руских Новонох“

Шветочни отпочивок

Недз. 14 по Сош. МАТӨ. ГЛ. 22. ЗАЧ. 89.

Рече Господь притчу сїю: уподобися царствїе небєсноє человѣку царю, иже сотвори браки сыну своему: и посла рабы своя призвати званья на браки. и не хотяху прїити. Паки посла инны рабы, глаголя рцѣте званнымъ: се обѣдъ мой уготовахъ, юнци мои и упитанныя исколена, и вся готова: прїидите на браки. Они же небрегше отидоша, овъ убо на село свое, овъ же на купли своя: прочи же емше рабов его, досадиша имъ, и убиша ихъ. Слышавъ же царь той, разгнѣвася, и пославъ воя своя, погуби убійцы они, и градъ ихъ зажже. Тогда глагола рабомъ своимъ, бракъ убо готовъ єсть, званїй же не быша достойни. Идите убо на исходища путей, и елицѣхъ аще обрящете, призовите на браки. И ише-

дше раби они на распутїя, собраша всѣхъ, елицѣхъ обрѣтоша, слыхъ же и добрыхъ: и исполнися бракъ възлежащих. Вшедъ же царь видѣти възлежащихъ, видѣ ту человѣка не оболчена вѣ одѣянїє брачное, и глагола єму: друже, како вшелъ єси сѣмо, не имый одѣянїя брачна? Онъ же умолча: Тогда рече царь слугамъ: связавше єму руцѣ и нозѣ, возмите его, и вверзите вѣ тму кромѣшную: ту будетъ плачь и скрежетъ зубовъ. Мнози бо суть звани, мало же избранныхъ.

I. Така є висказана любов Исуса Сина Божяго гу нам, же вон свой приход гу нам на тот швет вола своим свадзбѣм, як да ше повинчал зос душами нашима. Як цо млади любисвою млоду, так люби Исус наша души. Його божєствєне шерцо гори бовчацїм пламеньом любови гу нам, як цо то указал Марії Алакок у 17. столїтїю и виявел свойо жа-

Предавам дзєшац ютра орачей жеми, найлєпша у Миклушевским хотаре гу томе хижа з дутяном, карчму трафику и месарню. Шицко без конкуреициї и зос шицкима правами.

Пєнежї не треба дораз.

ДЮРА БЕСЕРМИНІ
МИКЛУШЕВЦИ

3—3